

ثابرات ن بُولوس اِكْلاطِيَّين

أَسَلَم

1 بُولوس، أَمَازان، وار إِلَيَّ زَكَّ إِوْذان وُلا زِي بُنادم ماشا زِي يَشُو لَمَسِيح ذِ أَرَبِّي ثاباباث وَنِّي إِث-يِد اِسَنكَارَن زَكَّ اِمْتِين،² ذِ مارًا أَوَمائِن اِنِّي اِلان اَكِيذِي، اِ ثَمَسْمُونِين ن كْلاطِيَّيا: ثَيِّعَمَث ذِ لَهْنا خاوم زِي اَرَبِّي ثاباباث وُ زِي سِيذِيئَنغ يَشُو لَمَسِيح⁴ وَنِّي اِوْشِين اِخَف نَس خ دَنُوب نَغ حِيما اَذِ اِنغ اِفَكِّ زِي لَوْقْث-ا اَعْفان، علاحْساب لَخاضار ن اَرَبِّي بابانغ،⁵ وَنِّي غار اِلَا وُغُولِي اِلْبدا قاع، اَمِين.

وار ذِين بُو لَخْبار اَصْبَحان نَضْنِي

⁶تَبْهَنغ وُمي ثَمُوطيم اَمُو ذَغْيا غار اِج ن لَخْبار اَصْبَحان نَضْنِي خ وَنِّي ذِ اوم-د اِلاغان س نَيِّعَمَث ن لَمَسِيح.⁷ وار ذِين شا نَضْنِي، ماشا ذِين شا ن اِنِّي كَنِيو اِحْيَارَن وُشا حَسَن اَذِ بَدَلَن لَخْبار اَصْبَحان ن لَمَسِيح.⁸ ماشا مالا نَشِين نِيغ اِج ن لَمالَك زَكَّ وُجنا اَذِ اوم اِبَارْح س اِج ن لَخْبار اَصْبَحان نَضْنِي خ وَنِّي اِ زِي نَبارْح اِ كَنِيو، اَذِ يِلِي ذِ اَمْنَعُول.⁹ اَم نِيزار ننا قَارَغ ث عاوذ لَخُو اِج ن وُمُور نَضْنِي: مالا حد اِبَارْح اوم-د س اِج ن لَخْبار اَصْبَحان نَضْنِي خ وَنِّي ثَقْبَلَم، اَذِ يِلِي ذِ اَمْنَعُول.¹⁰ ما اَرزُوغ لَخُو اَذِ سَقَنْعَع اِوْذان نِيغ اَرَبِّي؟ نِيغ اَرزُوغ اَذِ اَرْضِيغ اِوْذان؟ مالا ثُوغا-يِي عاذ اَرْضِيغ اِوْذان، وار تِيْلِيغ عاذ ذِ اِسْمَع ن لَمَسِيح.

ثالاغِيْث ن بُولوس

¹¹مِينِزِي اَذِ اوم ملغ، اَأ اَوَمائِن، بَلِّي لَخْبار اَصْبَحان اِ ذِ اِنُوبارْحن زايِي، وار إِلَيَّ علاحْساب بُنادم،¹² وُلا نِيغ نَش سَلْغ ث نِيغ لَمذَغ ث زِي بُنادم، ماشا طَفْغ ث س وُسارْكَب ن يَشُو لَمَسِيح.¹³ اَقا ثَسْلِيْم مامْش ثُوغا كُورَغ ذِي دِين ن وُذايِن ذِي لَوْقْث نَضْنِي، ثُوغا ذارْشَع خ ثَمَسْمُونَت ن اَرَبِّي اَطاس وُشا اَرْدَلْغ ت¹⁴ وُشا ثُوغا اِزارْغ ذِي دِين ن وُذايِن خ واطاس ن اِقْرِيْن زِي لَكْنَس اِنُو، مِينِزِي ثُوغا مَحْضَع اَطاس خ ثُبَارْث

ن لَجْدُوذْ اِنُو. ¹⁵ ماشا لامي ئوغا يارضا اَرَبِّي، وئِي ذ اِيي اِحوزن ذ وئِي خافي ذ اِلاغان غار نِيعمَت نَس وُوي ئوغا-يِي عاذ ذَكْ وُعَدِيَس ن يِمَا، ¹⁶ ماحنذ اَذ ذايي-د اِسْضَهَار مِيَس جِيما اَذ زايَس بارَع جَار لَكْنُوَس، خَنِّي وار شاوارغ شا اَيْسُوْم وُلا ذ اِذْمَن ¹⁷ نِيغ رُوغ غار وُرشاليم غار اِنِّي ئوغا ذ اِمازانن قَبْل اِنُو، ماشا رُوغ غار اَرابِيئا وُشا ذُوغ عاوذ غار ذِيماشق. ¹⁸ خَنِّي اَوَارنِي ثَلانن اِسْكُوَسا، رُوغ غار وُرشاليم جِيما اَذ مَلَقِيغ اَك-ذ بَطْرُوَس، وُشا اَذ زَدغ اَكِيَس حَمَسْتاش ن وُسان. ¹⁹ عاذ وار زَرِيغ حد نَضْنِي زَكْ اِمازانن مَغِير ياعقوب وُماس ن سِيذِي. ²⁰ مِين د اوم تارِيغ لَحُو، اَقَّا ذَا زَاث اِ اَرَبِّي، وار سَخارِيغ شا. ²¹ اَوَارنِي مان اَيَا رُوغ غار جوايه ن سُوْرِيَا ذ كِيلِيكِيَا ²² وُشا وار تُويسِنغ شا س وُعْمُوْب غار ثَمَسْمُوْنين يا هُوذِيئا اِ اِلان ذِي لَمَسِيح. ²³ نِيئِي ئوغا سَلِين خافي وَاها ”اَقَّا وئِي ئوغا خانغ اِذارَشَن ذِي لُوَقْت نِي، لَحُو اِئْبَارَح س لايَمان اِ ئوغا يارَدَل قَبْل.“ ²⁴ وُشا سَمْعارَن ذِي اَرَبِّي ذايي.

اَقْبَال ن بُولُوَس زَكْ اِمازانن

2 اَوَارنِي لامي عَدُوَن اَرَبْعاش ن اِسْكُوَسا، رُوغ عاوذ غار وُرشاليم اَك-ذ بارناباس وُشا اِيغ اَكِيذِي عاوذ نِيئُوَس. ئوغا رُوغ علاَحَساب اِح ن وُسارَكْب ن اَرَبِّي وُشا مَلغ اَسَن لَخْبَار اَصْبَحان اِ سَلَمادغ جَار لَكْنُوَس، اِ بِنِي غار اِلَّا وُقار وُحدسن، جِيما وار تِيَزَلغ نِيغ اَذ اَزَلغ باطل. ³ عاوذ نِيئُوَس وئِي ئوغا اَكِيذِي، واخا نَنّا ذ اِيونانِي، وار ئوغي س وُغِيل ماحنذ اَذ اِتُواخَن. ⁴ مان اَيَا ئوغا خ سَبِيَت ن واومائِن اِسَخارِيغِن اِنِّي اِكشَمَن جارانغ، جِيما اَذ شَكْمَن خ تِيَللِي نَغ تَبِي غارَنغ ذِي لَمَسِيح يَشُو، جِيما اَذ انغ كَن ذ اِسْمغان. ⁵ اَقَّا نَشِين وار ذ اسن نَواضع وُلا ذ اِشْت ن نَساعَت، جِيما نِيذت ن لَخْبَار اَصْبَحان اَذ تَقِيَم اَكِيذُوْم. ⁶ ماشا اِنِّي ئوغا اِئْبانن ذ شا، مِين ما عنان قَبْل، وار ذ اِيي اِشْقِي قاع، اَرَبِّي وار اِكسِي س نِيفراس ن بِنادم، اِنِّي غار اِلَّا وُقارِي، اَقَّا وار خافي نان والو. ⁷ س لَعكس، وُوي زَرِين بَلِي تَكَلْفغ خ لَخْبَار اَصْبَحان ن اِنِّي تَبَلّا اَخْتان، اَم مامَتش بَطْرُوَس خ لَخْبَار اَصْبَحان ن اِنِّي س وُخْتان ⁸ - مِيئَرِي وئِي ئوغا اِحْدَمَن س جَهْد ذِي بَطْرُوَس ذِي ثَرانَت جَار اِنِّي س وُخْتان، ئوغا اِحْدَم ذايي ثانيا س جَهْد جَار لَكْنُوَس - ⁹ وُشا وُوي ياعقوب ذ سِيَفاس ذ يُوَحانّا اِنِّي اِتُواحسِن ذ اِمْعارَن زَرِين نِيعمَت اِ ذايي اِمَوْشَن، وُشِين اَنغ اَفُوَس ن ثَمُونت اِنش ذ بارناباس، جِيما اَذ نراح غار لَكْنُوَس وُشا نِيئِي غار اِنِّي س وُخْتان. ¹⁰ ئوغا اِتْخَصّ اَنغ اَذ نَفكار ذَكْ اِمزِلاض وَاها وُشا خَنِّي شزارغ ماحنذ اَذ كَغ مان اَيَا.

بُولُوس اِتْمَعالا اَك-ذ بَطْرُوس س بطايطاي

¹¹ ماشا وُمي د يوسا بَطْرُوس غار اَنْشِيُوخِييا، مَعالغ اَكيس س بطايطاي، مِينزِي تُوغا ذائِس اَخَطو. ¹² مِينزِي قَبل مَّا ذ اسن شا زِي ياعقوب، تُوغا اِتت اَك-ذ اِنِّي زِي لَكْنُوس، ماشا اُوارني مَّا وُسين-د نيشني، اِعقَب وُشا اِسْبَعْد اِخف نَس زائسن، مِينزِي تُوغا اِكْوَد زَك اِنِّي س وِخْتان. ¹³ وُشا وُذايِن اِنْضَبني ضَفارن ث ذِي نِيفاق نَس، اَمْنِي عاوذ بارناباس، اَقا نَذهن ث ذِي نِيفاق نَسن. ¹⁴ ماشا وُمي زَرِيغ بَلِي وار كُورن شا نيشان خ وِريذ ن ثِيذت ن لَحْبار اَصْبَحان، نَبِغ اِ بَطْرُوس زَاث اِ مارا ”مالا شك، اَم تَلِيذ ذ وُذاي، ثدارذ اَم اِنِّي زِي لَكْنُوس، وار اِلِي اَمَشناو وُذاي، مايي تَكْجِيذ اَغِيل خ اِنِّي زِي لَكْنُوس جِيما اَذ دَارن اَم وُذاي؟ ¹⁵ نَشِين نَتواخَلق ذ وُذايِن، وار اِلِي ذ اِمْدَناب زِي لَكْنُوس، ¹⁶ نَسن بَلِي بَنادَم وار اِتْواسكْذ شا س لَحْذايِم ن تاورا، ماشا س لايِمان ذِي يَشُو لَمَسِيح. اَقا نَشِين عاوذ نَذول نُومن زِي يَشُو لَمَسِيح، جِيما اَذ نَتْواسكْذ س لايِمان ذِي لَمَسِيح، وار اِلِي س لَحْذايِم ن تاورا، مِينزِي س لَحْذايِم ن تاورا وُلا ذ اِح ن وِشوم وار اِتْواسكْذ شا.

¹⁷ ماشا مالا نارزو اَذ نَتْواسكْذ ذِي لَمَسِيح، نُوفا بَلِي نَشِين عاوذ ذ اِمْدَناب، س وُنيي ما لَمَسِيح ذ اَمْسَخارن دَنْوَب؟ وَاياو! ¹⁸ مِينزِي مالا بَنِيغ عاوذ مِين هَذْمغ، اَذ سَشْنغ بَلِي نَش س اِخف اِنُو ذ اِمْدَنْوَب، ¹⁹ مِينزِي س تاورا اَقا نَش مُوئغ اِتْاورا، جِيما اَذ دَارغ اِ اَرْبِي. ²⁰ اَقا تْواصلِغ اَك-ذ لَمَسِيح وُشا دَارغ، وار اِلِي عاذ ذ نَش، ماشا لَمَسِيح اِدَار ذايي وُشا مِين دَارغ لَحُو عاذ ذَك وِشوم، دَارغ ث زِي لايِمان ذِي مِيس ن اَرْبِي وني ذ ايي اِتْخَسن وُ وُشا اِخف نَس خافي. ²¹ وار بَضْلغ شا تَبِعْمث ن اَرْبِي، مِينزِي مالا تُوغا ثاسكْذا س تاورا، اَذ بِيَلِي اِمُوث لَمَسِيح خ والو.

س لايِمان نَبِغ س لَحْذايِم ن تاورا

3 اِ اِكْلاطِيَّين اِفْغال، وي كَنِيو اِقْدَشْن ماحند وار تَطِيْعَم اِ ثِيذت؟ اَقا لَمَسِيح تُوغا اِتْوارشم جاروم قِبالت اِ بِيْطاوِين اَم وُتي اِمُوثن خ صَالِيْب. ² ذَكْا وَاها خَسغ اَذ ث سَنغ زايوم، ما تَطْمَم اَرْوَح س لَحْذايِم ن تاورا نَبِغ وُمي سَلام س لايِمان؟ ³ مَّا اَمْنِي ذ اِفْغال اِ تْلام؟ تَبْذام س اَرْوَح، ما لَحُو اَذ تَكْمَلَم س وِشوم؟ ⁴ مَّا تَرِيْم ثامارا اَطاس خ والو، مالا تُوغا س ثِيذت خ والو؟ ⁵ وُتي ذ اوم اِوَشِين اَرْوَح وُشا اِتْكَ لَعْجايِب جاروم، مَّا اِتْكَ اِتْنْت زِي لَحْذايِم ن تاورا نَبِغ وُمي سَلام س لايِمان؟ ⁶ مَّا مَش اِبْرَاهِيْم تُوغا ”يُومن ذِي اَرْبِي وُشا اِتْواْحَسب اَس-د ذ ثاسكْذا“، ⁷ سَنَم اَيَا، بَلِي

إِنِّي الْآنَ ن لِيْمَان، نِيْتِي ذِيْث ن اِبْرَاهِيْم. ⁸ اذليْس تُوعَا اِزْرَا قِبَل بَلِيْ اَرْتِيْ اَذ اِسْكَذْ لَكْنُوس س لِيْمَان، اِزْرَا اِبْشَار اِبْرَاهِيْم، اِنَّا ”ذايك اِ غَا تَوَابَرَكْن لَكْنُوس مَارَا.“
⁹ خَنِيْ اِنِّي ن لِيْمَان اَذ تَوَابَرَكْن اَكْ-ذ لُمُومْن اِبْرَاهِيْم.
¹⁰ مَارَا اِنِّي الْآنَ زِي لَخْذايْم ن تاوراث، اَقَا نِيْتِي سَاذُو تَعْلَث، مِيْنَزِي تُورَا ”ذ اَمْنَعُول كُول اِجْن وَتِي وار اِقِيْمْن اِطْف ذِي مَارَا تِيْمَسْتَلايْن يُوران ذَكْ وَذليْس ن تاوراث جِيْمَا اَذ ثَنْت اِخْت.“
¹¹ اَقَا اِتْبَان بَلِيْ وار ذِيْن حِد اِ غَا اِتْوَا سَكْذَنْ غَار اَرْتِيْ س تاوراث، مِيْنَزِي تُورَا ”اَمْسْكَاَذ س لِيْمَان اَذ اِدَار.“
¹² ماشا تاوراث وار ثَلِيْ شا زِي لِيْمَان، ماشا ”بِنَاذْم وَتِي ثَنْت اِخْتَنْ، اَذ اِدَار زَايْسَنْت زِي لَخْذايْم ن تاوراث.“
¹³ لَمْسِيْح اَقَا اِخْلَصْ خَانِغ، جِيْمَا اَذ اَنْغ اِفْكَ زِي تَعْلَث ثَنِيْ اِلْآن خ يْتِي سَاذُو تاوراث اَمْ ذ اِذُول خَانِغ ذ اَمْنَعُول، مِيْنَزِي تُورَا ”ذ اَمْنَعُول مان ون مَّا يُويْرِن خ ثَحْناشْت“،
¹⁴ وَ جِيْمَا لِبَارَاكَا ن اِبْرَاهِيْم اَذ تَاوَض غَار لَكْنُوس ذِي لَمْسِيْح يَشُو ماحَنْد س لِيْمَان اَذ نَطْف لُوَاعْذ ن اَرُوْح.

تاوراث ذ لُوَاعْذ

¹⁵ اَوُمَانْ، سَاوَالِغ اَمْ بِنَاذْم، وَلا ذ لَعَاھِذ اِ الْآنَ زِي بِنَاذْم، اَوَارِنِي لايْمِي اِتْوَاخْتْم، وَلا ذ اِجْ وار اِزْمَار اَذْث اِبْضَل نِيْغ اَذْ خاس يارِنِي. ¹⁶ اَقَا لُوَعُوْذ تَوَاكْن اِبْرَاهِيْم ذ زَارِيْعْت نَس. وار اِقَار شا ”اِ اِعْقايْن ن زَارِيْعْت“ اَم اِ واطّاس، ماشا اَم اِ بِيْجَنْ ”اِ وُعَقَا ن زَارِيْعْت نَكْ“ وَتِي اَقَا-ت ذ لَمْسِيْح. ¹⁷ ذَكَّا قَارِغ: لَعَاھِذ وَتِي اِقْدَار اَرْتِيْ لَمْسِيْح، وار ث بْطِيْل شا تاوراث ثَنِيْ تُوِيْسي-د اَرَبَعْمَيَا وَ ثَلَاثِيْن ن اِسْكَوْسا اَوَارِنِي مان اَيَا جِيْمَا اَذْ ثَكَّ لُوَاعْذ اِخْوَان. ¹⁸ مِيْنَزِي مالا لُوَارْت اِلَّا س تاوراث، اَقَا وار اِلِّيْ عاذ س لُوَاعْذ. ماشا اَرْتِيْ اَقَا اِوْش اِث اِبْرَاهِيْم س لُوَاعْذ.

¹⁹ خَنِيْ وَميْ ثَنْفَع تاوراث؟ اَقَا ثَنْتَوَا رِنِي خ سَيِّبْت ن دَنْوْب اَلَاْمِي د تُوْسا زَارِيْعْت نَنِيْ وَميْ اِتْوَاكَّ لُوَاعْذ وَشا لَمالاكات وَشِيْنْت ت ذَكْ وَفُوس ن اِج ن وَمُصْلاَح. ²⁰ اَقَا وَتِي ذ اَمُصْلاَح وار اِلِّيْ زَكْ اِجْن، ماشا اَرْتِيْ ذ اِجْن. ²¹ ما خَنِيْ تاوراث ضِيْد ن لُوَعُوْذ ن اَرْتِيْ؟ عَمَارْص! مِيْنَزِي مالا تُوعَا ثَمُوش اِشْت ن تاوراث ثَوْمَار اَذ ثَسْدَار، ذ ثِيْذْت تُوعَا ثاسْكَذا س تاوراث. ²² ماشا اذليْس ن تاوراث اِبْلَعْ خ مَارَا ذِي دَنْوْب، جِيْمَا لُوَاعْذ اَذ اِمُوش س لِيْمَان ذِي يَشُو لَمْسِيْح اِ يْتِي يُومَنْ. ²³ ماشا قِبَل مَّا ذ يُوسا لِيْمَان، تُوعَا-نِغ نَمْحَضَا ذِي تاوراث وَشا اِتْوَابْلَعْ خَانِغ زايْس اَلَاْمِي د يُوسا لِيْمَان

8:3. اَمْر. 3:12، 18:18، 18:22، 4:26، 14:28، 10:3. ثِيْل. 26:27، 11:3. هَاب. 4:2

12:3. لاو. 5:18، 13:3. ثِيْل. 23:21، 16:3. اَمْر. 7:12، 15:13، 7:24

وتِّي ثُوغَا إِغَا إِضْهَارَن. ²⁴س وُيِّي ثُوغَا تَاوْرَاث ذِ اَمْسَلْمَاذ نَعَّ اَل لَمْسِيح، جِيْمَا اَذْ نَتَوَاكْذ س لِإِيْمَان. ²⁵مَاشَا وُيِي دِ يُوْسَا لِإِيْمَان، اَقَا وَا ر نَقِيْم عَاذ سَاذُو وَتِي اِتَارْبَان.

أَيْث نِ اَرِّي

²⁶مِينِزِي مَارَا كَنْبُو ذِ اَيْث نِ اَرِّي س لِإِيْمَان ذِي لَمْسِيح يَشُو. ²⁷مِينِزِي مَارَا اِنِّي اِتَوَاغْضُصْن ذِي لَمْسِيح، اَقَا اَرْضَن لَمْسِيح. ²⁸وَا ر ذِيْن وُذَاي نِيغ اَيُونَانِي نِيغ اِسْمَغ وُلا ذِ اَحُوْرِّي، وَا ر ذِيْن اُرْيَا ز وُلا ذِ ثَا مْعَا رْث، مِينِزِي مَارَا نَشِيْن ذِ اِجْن اِنْلَا ذِي لَمْسِيح يَشُو. ²⁹مَالَا كَنْبُو ثَلَام نِ لَمْسِيح، اَقَا كَنْبُو ذِ زَارِيْعْث نِ اِبْرَاهِيْم وُشَا عِلَاخْسَاب لَوَاعْذ ذِ اُوْرِيْشَن.

4 اَلْحُو قَا رْغ، مَشْحَال مَّا ذِ اُوْرِيْث اَقَا-ث عَاذ ذِ اَحْنَجِيْر وَا ر ذِيْن بُو لِفَا رْق خ اِسْمَغ، وَاخَا نَتَا ذِ بَاب نِ مَارَا، ²مَاشَا نَتَا اِلَا عَاذ سَاذُو اِنِّي ث يَارْبَان وُ سَاذُو اَوِكِيْلن اِنِّي خَاس اِحْطَان اَل لَوْقْث اِ يَكَّا بَابَاس زِي قِبَل. ³اَمُو عَاوْذ نَشِيْن، وُيِي ذِ اِنْع ثُوغَا عَاذ ذِ اِحْنَجِيْرَن، ثُوغَا-نغ ذِ اِسْمَغَان سَاذُو صُوْلَطَا نِ ثِيْمَسْلَايِيْن ثِيْمَزُوْرَا نِ دُوْنِيْث. ⁴مَاشَا وُيِي ذِ بِيُوْض وُعْمَار نِ لَوْقْث، اَرِّي اَقَا اِسْك-د مِيْس اِتَوَاخْلَقْن زِي ثُمْعَا رْث، اِتَوَاخْلَقْن سَاذُو تَاوْرَاث، ⁵جِيْمَا اَذِ اِفْك اِنِّي اِلَان سَاذُو تَاوْرَاث، جِيْمَا اَذِ نَتَوَاقِبَل ذِ مِيْس ⁶وُشَا مِينِزِي ثَلَام ذِ اَرَاو، اَرِّي اِسْك اَرُوْح نِ مِيْس ذِكْ وُلاوْن نُوْم، وَتِي اِتَلَاغَان 'اَبَا!، 'ثَابَابَات!، ⁷اَمُو وَا ر ثَلِيْذ عَاذ ذِ اِسْمَغ، مَاشَا ذِ مِيْس. وَا ه مِيْس، عَاوْذ ذِ اُوْرِيْث نِ اَرِّي س لَمْسِيح.

⁸مَاشَا ذِي زَمَان اِ وَا ر ثَسِيْم سَا اَرِّي، ثُوغَا ثَعْبِذْم اِنِّي وَا ر اِلِيْن س ثَوَا ذِ اِرِّيْشَن. ⁹وُشَا لَحُو، وُيِي ثَسْنَم اَرِّي، عَاذ حَسَن اَرِّي يَارْكَبْ خَاوْم، مَامْش اِ غَا ثَعْقَبِم عَاوْذ غَا ر ثَمْسَلَايِيْن ثِيْمَزُوْرَا اِضْعَفْن اِزْلَضْن نِ دُوْنِيْث-ا، ثَخْسَم اَذِ ثَنْت ثَعْبِذْم عَاوْذ؟ ¹⁰ثَحْضَام وُسْتَان ذِ اِيُوْرَن ذِ اِكُوْدَن ذِ اِسْكُوْسَا. ¹¹كُوْدُغْ خَاوْم اَقَا تَاْمَا رْغ خَاوْم خِ وَالُو. ¹²اِ اُوْمَا ثَن، نَزَاوْغْ كَنْبُو، اِلِيْم اَمْشَاوْ نَش، مِينِزِي نَش اَمْشَاوْ كَنْبُو. كَنْبُو وَا ر ذِ اِيِي ثَكِّيْم مِيْن وَا ر اِحْلِيْن. ¹³اَقَا كَنْبُو ثَسْنَم بَلِّي بَا رْحَغ اُوْم-د س لَخْبَار اَصْبِحَان ذِكْ وُ مَزُوْرَاوْ س ثُوْضَعْفْث نِ وِيْسُوْم ¹⁴وُشَا اَجَا رْب اِنُو اِلَان ذِكْ وِيْسُوْم اِنُو، وَا رْث ثَسْحَقَا رْم وُلا نَسْطِيْحَم زَايْس، مَاشَا ثَقْبَلْم اِيِي اَمْشَاوْ اِج نِ لِمَالَاك نِ اَرِّي اَمْشَاوْ لَمْسِيح يَشُو. ¹⁵مِيْن ثُوغَا نَعْنَا لَحْدَنِّي لِبَا رَاكَا نُوْم؟ مِينِزِي شَهْدَغْ خَاوْم بَلِّي، مَالَا ثُوغَا نَزْمَا رْم، اَذِ ثَقْلَعْم ثِيْطَاوِيْن نُوْم جِيْمَا اَذِ اِيِي ثَنْت ثُوْشَم. ¹⁶مَا ذُوْلُغْ ذِ لَعْدُو نُوْم مِينِزِي

قَارِغْ أَوْمِ ثِيدَتْ؟¹⁷ نِيئِي تَكْنُ ثِيْرَمَارِ أَطَّاسِ إِ كَنِيو مَاشَا وَارِ ثَلِي مَلِيحِ، حَسَنَ أَذْ كَنِيو سَبْعَدَنَ خَافِي مَاحَنَدَ كَنِيو أَذْ تَشَضْرَمِ إِ نِيئِي ذِي ثِيْرِي نَسَن.¹⁸ مَلِيحِ أَذْ ثِيْلِيْمِ لَبْدَا تَشَطْرَمِ ذِي مِيْنِ إِ لَانَ ذِ أَصْبَحَانَ، وَارِ إِ لِي خَمِي كِيَوْمِ إِ غَا حَضْرَاغِ وَاهَا.¹⁹ أَ مَزْيَانِ إِئُو، ثَاوَالَا نَضْنِي نَشْ لِيْعِ أَمْ وَنِي إِكْسِيْنِ دَيْسَتْ زَايَوْمِ سِ وَنُزْبَارِ نِ ثَارَوَا، أَلَامِي ذَايَوْمِ إِتَوَاشَكَلْ لَمَسِيْحِ.²⁰ خَسَغِ لَخُوْ أَذْ إِيْغِ أَكِيْدَوْمِ وُشَا أَذْ بَدَلْغِ ثِيْمِيْجَا إِئُو، مِيْنِيْزِي أَقَا شَكْغِ ذَايَوْمِ.

هَاتَارِ ذِ سَارَا

²¹إِنِيْمِ أَيِي، كَنِيو إِنِّي إِتَخَسَنَ أَذْ ثِيْلِيْمِ سَاذُو تَاوَرَاثِ، مَا وَارِ تَسْلِيْمِ شَا إِ تَاوَرَاثِ؟²² مِيْنِيْزِي أَقَا ثُورَا بَلِي إِبْرَاهِيْمِ ثُوْغَا غَارَسِ ثُنَايْنِ نِ إِحْنَجِيْرِنِ، إِجْنِ زِي ثَايَا، وَنَضْنِي زِي ثُحُوْرَشْتِ.²³ وَنِي نِ ثَايَا أَقَا إِكْ-دِ عِلَاَحْسَابِ أَئِيْسُوْمِ مَاشَا وَنِي نِ ثُحُوْرَشْتِ إِكْ-دِ زِي لُوَاعَدِ.²⁴ نِيْغِ مَانَ أَيَا أَمْ إِجِ نِ لِمَاثَالِ. مِيْنِيْزِي أَقَا ذِيْنِ ثُنَايْنِ نِ لُغُوْهُوْذِ، إِجْنِ زِكْ وَذَرَارِ نِ سِيْنَايِي وَنِي يُولُوْنِ ثَاْسُمُوْغِي، أَقَا-تِ هَاكَّارِ.²⁵ مِيْنِيْزِي هَاكَّارِ ذِ نَتَاثِ ذِ أَذْرَارِ نِ سِيْنَايِي ذِي أَرَايِيْبَا ثَنِي يَارُوْسَنِ ذِي وُْرشَالِيْمِ نِ لَخُوْ إِ لَانَ ذِي ثَسْمُوْغِي أَكْ-ذِ ثَارُوَا نَسَن.²⁶ مَاشَا وُْرشَالِيْمِ نِ سِنْجِ ذِ ثَاْحُوْرَشْتِ، أَقَا-تِ ذِ يِمَاثِنْغِ مَارَا.²⁷ مِيْنِيْزِي ثُورَا ”فَارِحِ، أَ ثَامْغَارَاثِ وَارِ إِتِيْلُوْنِ، عِيْدَ وُشَا تَسْغُوْثُوْذِ، أَ شَمْ ثَنِي وَارِ ذِي إِ لِي وَنُزْبَارِ نِ ثَارَوَا، مِيْنِيْزِي أَطَّاسِ إِ لَانَ ذِ ثَارُوَا نِ ثَمْغَارَاثِ إِ لَانَ وَحَدَسِ خِ ثَنِي غَارِ إِ لَا وَرِيَازِ.“²⁸ خَنِي، أَ أَوْمَاثِنِ، نَشِيْنِ ذِ ثَارُوَا نِ لُوَاعَدِ أَمَشْنَاوِ إِسْحَاقِ.²⁹ وُشَا أَمَشْنَاوِ ذِي لُوَقْثِ نِي، وَيِ دِ إِتَوَاخَلَقْنَ عِلَاَحْسَابِ أَئِيْسُوْمِ ثُوْغَا إِمَارْثِ وَنِي دِ إِتَوَاخَلَقْنَ عِلَاَحْسَابِ أَرْوَحِ، أُمُوْ عَاوْذِ لَخُوْ.³⁰ مَاشَا مِيْنِ إِقَارِ وَذَلِيْسِ؟ ”نَضْرَمِ بَارَا ثَايَا ذِ مِيْسِ، مِيْنِيْزِي وَارِ إِتِيْلِي مِيْسِ نِ ثَايَا ذِ أُوْرِيْثِ أَكْ-ذِ مِيْسِ نِ ثُحُوْرَشْتِ.“³¹ نِ وُيْنِي، أَ أَوْمَاثِنِ، أَقَا وَارِ نَلِي شَا ذِ ثَارُوَا نِ ثَايَا (=نِ حَاكَّارِ)، مَاشَا نِ ثُحُوْرَشْتِ.

ثِيْلِيْ ذِي لَمَسِيْحِ

5 اِبْدَمِ نِيْشَانَ ذِي ثِيْلِيْ ثَنِي وُيِي ذِ اَنْغِ إِفَكْ لَمَسِيْحِ وُشَا وَارِ ثَذَكُوْيَلِمِ عَاوْذِ أَذْ ثَكَسِيْمِ أَرَايَلُوْ نِ ثَسْمُوْغِي.² أَقَا-يِي نَشْ بُولُوْسِ أَذْ اَوْمِ إِنِيْغِ، مَالَا ثِيْوَاخْتِنِمِ، لَمَسِيْحِ وَارِ كَنِيو إِنْفَعِ ذِكْ وَالُوْ.³ عَاوْذِ شَهْدِغِ إِ مَارَا بِنَاذِمِ إِ غَا إِتَوَاخْتِنِ، أَقَا نَتَا سِ وُْمَارُوَاسِ حِيْمَا أَذْ إِكْ مَارَا مِيْنِ إِ لَانَ ذِي تَاوَرَاثِ.⁴ كَنِيو إِنِّي إِتَخَسَنَ أَذْ تَوَاسَكْتَدَمِ سِ تَاوَرَاثِ، أَقَا ثَنْدُولَمِ أَمْ إِبَارَانِيْنِ غَارِ لَمَسِيْحِ وُشَا زِي نِيْعِمَتْ إِ نُوْضَامِ. مِيْنِيْزِي نَشِيْنِ

زِي أَرْوَحِ اِ زِي نَتْرَاجَا أَسِيثَم ن نُسْكَذَا س لِإِيْمَان. ⁶ س وُيْنِي ذِي لَمَسِيحِ يَشُو،
 أَخْتَانِ نِيغِ بُبْلَا أَخْتَانِ وَارِ اِسْكَوِي وَالُو، مَاشَا لِإِيْمَانِ وَتِي اِخْدَمَن س ثَايْرِي. ⁷ كَنِيو
 تُزْلَمِ مَلِيحِ، وَي كَنِيو اِمْنَعَن اَذْ تَطَاعَمِ اِ ثِيذْت؟ ⁸ طَوَاعِ-ا وَارِ اِي زَكْ وَتِي اِ ذِ اومِ
 اِنْلَاغَان. ⁹ سَوَايْتِ ن وَنْثُونِ اِسْمَمَ مَارَا اَرَشِي. ¹⁰ نَش تِيغَغِ ذَايَوْمِ ذِي سِيذِي، بَلِي
 وَارِ غَارُومِ اِ تِيْلِي لِبَالِ نَضْنِي، مَاشَا وَي كَنِيو اِقْلَقْنِ اَقَا اَذْ اِتْوَا حَاكَمِ مَانِ وَنِ مَا اِعْنَا
 نَتَا. ¹¹ وُشَا نَش، اَ اُومَاثِن، مَالَا بَارَحَغِ عَاذِ س وَخْتَانِ، مَائِمِي عَاذِ اِ غَا تُوَامَارَنَغِ؟ اَقَا
 ثَوَاكْسِ ثَاعَنْكَرِيْفَتِ ن صَالِيْبِ. ¹² مَاعَلِيكِ قَاعِ قَصْنِ اِخْفِ نَسْنِ اِنِّي كَنِيو اِقْلَقْنِ.
¹³ مِيْنِيْزِي كَنِيو اِ تِيْلِي وُيِي دِ ثَوَاالَاغَامِ، اَ اُومَاثِن، مَاشَا وَارِ تَقْلَبِمِ تِيْلِي اَمَشْنَاو لَفُورِصَا
 اِ وَيُسُومِ، مَاشَا سَخَارَمِ اِجْنِ اِ وَنَضْنِي س ثَايْرِي. ¹⁴ مِيْنِيْزِي مَارَا تَاوْرَاثِ تُكْمَلِ س اِجْ
 نِ وَاَوَالِ "اَذْ تُخْسَدِ اَمَقَارَبِ نَكْ اَمَشْنَاو اِخْفِ نَكْ". ¹⁵ مَاشَا مَالَا تَرْغَمِ وَ تَمَرْقَمِ اِجْنِ
 وَنَضْنِي، حَضَامِ اِخْفِ نَوْمِ وَارِ تَتَمِ شَا اَيَاوِيَا.

تُوذَارْتِ سِ اَرْوَحِ اِقْدَسِن

¹⁶ قَارَغِ 'وُيُورَمِ ذِي اَرْوَحِ وُشَا وَارِ تَكْمَلَنِ شَا نَشَوَاتِ نِ وَيُسُومِ.' ¹⁷ مِيْنِيْزِي اَيُسُومِ
 اِتْمَغَرِ ضِيْدِ نِ اَرْوَحِ وُشَا اَرْوَحِ ضِيْدِ نِ وَيُسُومِ، مِيْنِيْزِي نِيْشِي تَبْدَانِ اَكْ-ذِ وَايَاوِيَا، خِ
 وُيْنِي وَارِ تَمَارَمِ اَذْ نَكَمِ مِيْنِ تَخْسَمِ. ¹⁸ مَاشَا مَالَا تُوَاكْوَدَمِ سِ اَرْوَحِ، وَارِ تَلِيْمِ عَاذِ
 سَاذُو تَاوْرَاثِ. ¹⁹ لِحْدَايِمِ نِ وَيُسُومِ بَانَتِ، اَقَا-تِنْتِ ذِ زَيْنَا ذِ تُوَقْحِيْبِ ذِ لِحْمِجِ ذِ
 وُفُوْشِجِ ²⁰ ذِ وُعْبَاذِ اِ لَاصْنَامِ ذِ تَسْحَارْتِ ذِ وَشِرَاهِ ذِ وُمنْعِي ذِ لِحْسَدِ ذِ تَفْقَاْحْتِ ذِ
 وُمَشْوَبِشِ ذِ وُبطُو ذِ وُمَسْبُضِي نِ ثَبْرِيْذِيْنِ ²¹ ذِ تُوَسْمِي ذِ وُنْقِي ذِ وُغَلِي ذِ لَفْسَاذِ وُلا ذِ
 ثَمْسَلَايِيْنِ تِيْنِي اِزَارَغِ اَذْ اومِ تِنْتِ اِنِيغِ وُشَا نِيغِ اومِ تِ قَبْلِ. وَي اِتْكَنِ تِيْمْسَلَايِيْنِ-ا،
 وَارِ اِتْوِيْلِي شَا ثَاكْلُذِيْتِ نِ اَرِي. ²² مَاشَا لُغِيْلَتِ نِ اَرْوَحِ اَقَا-تِ ذِ ثَايْرِي ذِ لَفْرَاْحْتِ
 ذِ لَهْنَا ذِ تَايَسِعِ نِ لِحَاضَارِ ذِ لَضْرَاْفْتِ ذِ تَشُونِي ذِ لِإِيْمَانِ ذِ تَمْهِيْنَتِ وُلا ذِ ضَبْطِ نِ
 يِخْفِ نَسِ. ²³ تَاوْرَاثِ وَارِ تَلِي ضِيْدِ نِ ثَمْسَلَايِيْنِ-ا. ²⁴ مِيْنِيْزِي اِنِّي اِلَانِ زِي لَمَسِيحِ
 اَقَا صَلْبِنِ اَيُسُومِ اَكْ-ذِ شَهَاوْتِ ذِ نَشَوَاتِ. ²⁵ مَالَا نَدَارِ زِي اَرْوَحِ، اَذْ نُويُورِ عَاوْذِ ذِي
 اَرْوَحِ، ²⁶ وَارِ ذِ اِنْعِ اِتْجِي اَذْ نِيْلِي ذِ اِمْعَفَارِنِ، اَذْ نَقْلِقِ اِجْنِ وَنَضْنِي وُشَا اَذْ نَاسَمِ اِجْنِ
 زَكْ وَنَضْنِي.

أَجْ كُولِ اجْنِ اَذِ اِقْلَبِ لِحْدَمْتِ نَسْ

6 اَأُومائِن، مالا حد اِتْوَاطَفِ اِتْكَ شَانِ وُفْثُورِي، كَنْبُو اِنِّي اِكُورِنِ ذِي اَرُوحِ، نَذْمُ ثَسْ اَرُوحِ نِ ثَمْهِيْنَتِ. خِرَارِ ذِكِّ يِيخَفِ نَكِّ، جِيْمَا شَكِّ وَاَرِ ثَنُوْاقْلَبِدْ شَا عَاوَدِ. ²كَسِيْمِ صَنْقَلِ اجْنِ خِ وَنَضْنِي، اَمُو اِغَا ثُكْمَلَمِ تَاوْرَاثِ نِ لَمْسِيْحِ. ³مِيْنَزِي وَنِّي اِنْتِغِيْلِنِ اِخْفِ نَسْ اَقَا ذِ شَا، اَمْ وَاَرِ اِلِّي ذِ وَاَلُو، اِخْدَعِ اِخْفِ نَسْ. ⁴مَاشَا اَجْ كُولِ اجْنِ اَذِ اِقْلَبِ لِحْدَمْتِ نَسْ، خَنْبِي اَذِ اِسْمَغَارِ اِخْفِ نَسْ وَاها، وَاَرِ اِلِّي ذِ اِنضْنِي، ⁵مِيْنَزِي كُولِ اجْنِ اَذِ اِكْسِيْبِي صَنْقَلِ نَسْ. ⁶ذِ وَنِّي وُْمِي اِتْوَاسْلَمْدِ وَاوَالِ اَذِ اِشَارَشِ ذِي مَارَا ثِيصْنَحَائِنِ اَكْ-ذِ وَتِي اِذِ اَسِ اِسْلَمَادِن. ⁷وَاَرِ ثَحْدَعْمِ اِخْفِ نَوْمِ، اَرْبِي وَاَرِ اِتْجِي حِدْ اَذِ خَاسِ اِقْصَارِ. مِيْنَزِي مِيْنِ مَّا اِزَارِعِ ثَبَاذِمِ، اَذِ ثِ اِمْجَارِ عَاوَدِ. ⁸مِيْنَزِي وَنِّي اِزَارِعِنِ ذِكِّ وِيْسُوْمِ نَسْ، زَكِّ وَيُسُوْمِ نَسْ اَذِ اِمْجَارِ لُغَشِّ. مَاشَا وَنِّي اِزَارِعِنِ ذِي اَرُوحِ، زِي اَرُوحِ اَذِ اِمْجَارِ ثُوذَارْثِ نِ لُبْدَا. ⁹اَجْ اَنْغِ وَاَرِ نِيحَلِ شَا وُْمِي نَنْكَ مِيْنِ اِلَانِ ذِ اَصْبَحَانِ، مَاشَا ذِي لَوْقْثِ نَسْ اَذِ نَمْجَارِ، مَاشَا وَاَرِ نَذُوِيْلِ ذِ اِفْنِيَانِنِ. ¹⁰اَقَا اَلَامِي غَارَنْغِ لَفُورْصَا، اَذِ نَكِّ ثَثُونِي اِ مَارَا، اَمْرَاوُو اِ يِنِّي ذِ اِسْرِيْشِنِ اَكِيْدَنْغِ ذِي لِاِيْمَانِ.

اَخْتَانِ وَاَرِ اِسْكَوِي وَاَلُو مَاشَا وَنِّي اِذِ اِتْوَاخْلَقِنِ ذِ جَدِيْدِ

11 خِرَارِمِ ذِي مَشْحَالِ نِ ثِيْرَا ثَامَقْرَانْتِ اِذِ اَوْمِ-ذِ وُرِيغِ سِ وُفُوْسِ اِنُو. ¹²مَارَا وِي اِحْسِنِ اَذِ سَلُوْلَشْنِ اِيْسُوْمِ، اَقَا نِيْثِي تَكْنِ خَاوْمِ اَغِيْلِ جِيْمَا اَذِ ثَتْوَاخْتَمِ وُشَا نِيْثِي تَكْنِ اِيَا جِيْمَا وَاَرِ كُورِ اَذِ ثَوَامَارْتِنِ خِ سَيِيْثِ نِ صَالِيْبِ نِ لَمْسِيْحِ. ¹³مِيْنَزِي وَاخَا عَاذِ اِنِّي اِتْوَاخْتَمِنِ وَاَرِ طِيْفِنِ شَا ذِي تَاوْرَاثِ، مَاشَا نِيْثِي خَسِنِ اَذِ ثَتْوَاخْتَمِ كَنْبُو جِيْمَا نِيْثِي اَذِ سَمَغَارِنِ ذِكِّ وَيُسُوْمِ نَوْمِ. ¹⁴مَاشَا اِكُوْجِنِ خَافِي مَاحِنْدِ اَذِ سَمَغَارِغِ مَغِيْرِ ذِي صَالِيْبِ نِ سِيْدِيْثَنْغِ يِشُو لَمْسِيْحِ سِ وَنِّي ثَتْوَاصْلَبِ ثُوْنِيْثِ اِ نَشِ وُ نَشِ اِ ذُوْنِيْثِ. ¹⁵مِيْنَزِي ذِي لَمْسِيْحِ يِشُو نِيغِ اَخْتَانِ وُلا ذِ ثَبْلَا اَخْتَانِ وَاَرِ اِسْكَوِي وَاَلُو مَاشَا وَنِّي اِذِ اِتْوَاخْلَقِنِ ذِ جَدِيْدِ. ¹⁶مَارَا وِي اِغَا يُوِيُوْرِنِ عِلَاحْسَابِ اَبْرِيْدَا، اَذِ خَاسِ يِيْلِي لَهْنَا ذِ اَرْحَمْتِ وُلا خِ اِسْرَائِيْلِ نِ اَرْبِي. ¹⁷زِي سَا غَارِ زَاْثِ وَاَرِ ذِ اِيْبِي اِتْصَدِيْعِ حِدِ، مِيْنَزِي اُوِيغِ-ذِ ذِي اَرِيْمْتِ اِنُو شَامَاثِ نِ سِيْدِيْثِي يِشُو. ¹⁸اَأُومَائِن، اَذِ ثِيْلِي نِيْعَمْتِ نِ سِيْدِيْثَنْغِ يِشُو لَمْسِيْحِ اَكْ-ذِ اَرُوحِ نَوْمِ. اَمِيْنِ.